

तदे॒नमे॒तेन॒ र॒सेन॒ सं॒गम॒यति॒ तदे॒नम॒तो ज॒नय॒ति स॒ ए॒नं ज्ञा॒त ए॒व स॒ञ्ज॒नय॒ति  
 सं॒ त्वा वि॒शन्वो॒षधी॒रुता॒प इ॒ति त॒दस्मि॒न्नुभ॒य७ र॒सं द॒धाति॒ यश्चौ॒षधि॒षु य॒श्चाप्सु  
 यज्ञ॒स्य त्वा य॒ज्ञप॒ते सू॒क्तो॒क्तौ न॒मोवा॒के वि॒धेम॒ यत्स्वा॒हेति॒ तद्य॒देव॒ यज्ञ॒स्य साधु  
 तदे॒वास्मि॒न्नेत॒दधा॒ति ॥ २० ॥ अ॒थानु॒सृज्यो॒पति॒ष्ठते । दे॒वीरा॒प ए॒ष वो ग॒र्भ इ॒त्य-  
 पा॒७ ह्ये॒ष ग॒र्भस्त॒७ सु॒प्रीत॒७ सु॒भृतं॒ वि॒भृते॒ति तदे॒नम॒द्भ्यः प॒रिद॒दाति॒ गु॒ह्यै दे॒व  
 सो॒मैष॒ ते लो॒क इ॒त्यापो॒ ह्येत॒स्य लो॒कस्त॒स्मिज्जं॒ च व॒द्व प॒रि च व॒द्वेति॒ त-  
 स्मि॒न्नः शं॒ चैधि॒ सर्वा॒भ्यश्च॒ न आ॒र्तिभ्यो॒ गोपा॒येत्ये॒वैत॒दाह ॥ २१ ॥ अ॒थोप॒मार॒यति  
 । अ॒वभृ॒थ नि॒चुम्पु॒ण नि॒चेरु॒रसि॒ नि॒चुम्पु॒णः । अ॒व दे॒वैर्दे॒वकृ॒तमे॒नो या॒सिष॒मव  
 म॒र्त्यैर्म॒र्त्यकृ॒तमित्य॒व ह्येत॒दे॒वैर्दे॒वकृ॒तमे॒नोऽया॒सीत्सो॒मेन॒ राज्ञा॒व म॒र्त्यैर्म॒र्त्यकृ॒तमि॒-  
 त्य॒व ह्येत॒न्म॒र्त्यैर्म॒र्त्यकृ॒तमे॒नोऽया॒सीत्प॒शुना॒ पुरो॒डा॒शेन॒ पुरुरा॒व्याो दे॒व रि॒षस्पा॒-  
 ही॒ति सर्वा॒भ्यो मा॒र्तिभ्यो॒ गोपा॒येत्ये॒वैत॒दाह ॥ २२ ॥ अ॒थाभ्य॒वेत्य॒ स्नातः॒ । अ॒न्यो  
 ऽन्य॒स्य पृ॒ष्ठे प्र॒धाव॒तस्ता॒वन्ये॒ वा॒ससी॒ परि॒धायो॒देतः॒ स यथा॒हिस्त्व॒चो निर्मु॒च्येते॒-  
 व७ स॒र्वस्मा॒त्पाप्म॒नो निर्मु॒च्यते॒ तस्मि॒न्न ता॒वच्च॒नैनो॒ भव॒ति या॒वत्कु॒मारे॒ऽदति  
 स ये॒नैव॒ निष्क्रा॒मन्ति॒ तेन॒ पुन॒राय॒न्ति पुन॒रेत्या॒हव॒नीये॒ समि॒धम॒भ्याद॒धाति॒ दे॒वा-  
 ना७ स॒मिद॒सीति॒ य॒ज्ञमा॒नमे॒वैत॒या स॒मिन्दे॒ दे॒वाना॑७ हि स॒मिद्धि॒मनु॒ य॒ज्ञमा॒नः स॒-  
 मि॒ध्यते ॥ २३ ॥ ब्रा॒ह्मण॒म् ॥ १ [४. ५.] ॥ ॥ चतु॒र्थोऽध्या॒यः ॥ २८ ॥ ॥

आ॒दि॒त्येन॒ चरु॒णोद॒यनी॒येन॒ प्र॒चर॒ति । तद्य॒दादि॒त्यश्चरु॒र्भव॒ति यदे॒वैना॒मदो॒ दे॒-  
 वा अ॒ब्रुवं॒स्तवै॒व प्रा॒यणी॒यस्त॒वोद॒यनी॒य इ॒ति तमे॒वास्या॑ऽए॒तदु॒भय॒त्र भा॒गं करो॒-  
 ति ॥ १ ॥ स य॒दमु॒त्र रा॒ज्ञानं॒ क्रेष्य॒नुप॒प्रेष्य॒न्यज॒ते । तस्मा॒त्तत्प्रा॒यणी॒यं ना॒माथ॒ यद॒-  
 त्राव॒भृथा॒दुदे॒त्य य॒जते॒ तस्मा॒दित॒दुद॒यनी॒यं ना॒म तद्वा॑ऽए॒तत्स॒मानमे॒व ह॒विरु॒दित्या॑  
 ऽए॒व प्रा॒यणी॒यम॒दित्या॑ऽउ॒दय॒नीय॒मिय॑७ ह्ये॒वाद॒ितिः ॥ २ ॥ स वै प॒थ्यामे॒वाग्ने॒ स्व-  
 स्तिं॒ यज॒ति । तदे॒वा अ॒प्रज्ञा॒यमा॒ने वा॒चैव॒ प्रत्य॒पद्य॒न्त वा॒चा हि॒ मुग्धं॒ प्रज्ञा॒यते